

ABRAHAM SACRIFIANT

Fait qu'au croyant il n'est rien impossible.
Arriere chair, arriere affections,
Retirez-vous, humaines passions,
Rien ne m'est bon, rien ne m'est raisonnable,
[770] Que ce qui est au Seigneur agreable.

Satan.

Et bien, & bien, Isaac donc mourra,
Et nous verrons apres que ce sera.
O faux vieillard, tant me donnes de peine !

Abraham.

Voila mon fils Isaac qui se pourmeine.
[775] O poure enfant, ô nous pources humains,
Caehaus fouuent la mort dedans nos seins,
Alors que plus en pensons estre loing !
Et pourautant il est tresgrand besoiing
De viure ainsi que mourir on desire.
[780] Or ça mon fils : helas que veux-ie dire !

Isaac.

Plaist-il mon pere ?

Abraham.

Helas ce mot me tue.
Mais si faut-il pourtant que m'esuertue.
Isaac mon fils : helas, le cœur me tremble.

Isaac.

Vous auez peur, mon pere, ce me semble.

Abraham.

[785] Ha mon amy, ie tremble voirement.
Helas, mon Dieu !

Isaac.

Dites-moy hardiment
Que vous auez, mon pere, s'il vous plaist.

Abraham.

Ha mon amy, si vous sauiez que c'est.
Misericorde, ô Dieu, misericorde !
[790] Mon fils, mon fils, voyez-vous ceste corde,
Ce bois, ce feu, & ce cousteau icy ?
Isaac, Isaac, c'est pour vous tout ceey.

[120]